



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Benedictio panis, segetum, & seminum.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

nostri Jesu Christi, qui tecum vivit & regnat in
sæcula sæculorum.

R. Amen. Et mox aspergat aquâ benedictâ.

BENEDICTIO PANIS.

V. Adjutorium nostrum in nomine Domini.

R. Qui fecit coelum & terram.

V. Dominus vobiscum.

R. Et cum Spiritu tuo.

Oremus.

Domine Jesu Christe panis angelorum, panis
vivus æternæ vitæ, bene **H**dicere dignare panem
istum, sicut benedixisti quinque panes in deserto,
ut omnes, ex eo gustantes, inde corporis & animæ
percipiant sanitatem. Qui vivis & regnas in sæ-
cula sæculorum.

R. Amen. Et aspergat aquâ benedictâ

**BENEDICTIO SEGE-
TUM ET SEMINUM IN
Festo S. Marci Evangelistæ.**

Sacerdos exiens cum Clericis (si adsint) & populo, præcedente
cruce, & cereis, superpelliceo ac stolâ ornatus, incipiat Litanias
de omnibus SS. sicut habentur supra in benedictione ignis pag. 218.
quâ finitâ dicat.

Kyrie eleison. **C**hriste eleison. **K**yrie eleison.

Pater noster &c. **E**t ne nos inducas &c.

V. Ad.

Benedictio segetum & seminum. †263

V. Adjutorium nostrum in nomine Domini.

R. Qui fecit coelum & terram.

V. Dominus vobiscum.

R. Et cum spiritu tuo.

Oremus.

Pietatem tuam quæsumus, omnipotens Deus, ut has primitias creaturæ, quas aëris & pluviae temperamento nutrire dignatus es, bene **†** dictionis tuæ imbre perfundas: tribuas populo tuo, de tuis muneribus, tibi semper gratias agere: ut egenus & pauper laudent nomen gloriæ tuæ. Per Christum &c. **R.** Amen.

Oremus.

Omnipotens sempiterne Deus, arbiter throni, qui molem terræ ex nihilo pendentem gubernas, & ad victum humani generis, corporisque sustentationem, agros operibus excolere iussisti: misericordiam tuam supplices exoramus, ut quidquid in hos agros salubris seminis satum atque plantatum est, respectu tuæ clementiæ prospicias: & aëris temperies moderare digneris, ut resecto atque absorpto omnium tribulorum atque spinarum squalore: efficias fruges foecundas, & ad maturitatem perfectam tribuas provenire: ut nos famuli tui uberem tuorum donorum fructum, cum gratiarum

rum

rum actione percipientes, debitas atque acceptas
nomini tuo laudes referre mereamur. Per Chri-
stum &c. **R.** Amen.

Oremus.

Te Domine petimus ac rogamus, ut hos fru-
ctus seminum, frugum, frumenti, filiginis, hordei,
avenæ, ac aliorum cujuscunque generis existant,
tuis oculis serenis, hilarique vultu respicere digne-
ris. Sicut enim testatus es Moyfi famulo tuo, in
terra Ægypti dicens: Dic filiis Israël cum ingressi
fuerint terram promissionis: quam eis daturus
sum: ut primitias frugum offerant sacerdotibus: &
erunt benedictæ fruges: ita & nos oramus te Do-
mine: ut auxilium gratiæ tuæ super nos, & hos fru-
ctus ad bene **†** dicendum, proferendum conce-
das: ut non grando surripiat, non turbo subvertat,
nec vis tempestatis detruncet, aëris siccitas exurat:
non inundatio pluvialis exterminet: sed incolumes
& superabundantes propter usum hominum ad
plenissimam maturitatem perducere digneris. Per
Christum Dominum &c. **R.** Amen.

Oremus.

Domine sancte pater omnipotens, æterne Deus:
mitte Spiritum sanctum tuum cum Angelis & Ar-
changelis tuis & cum eis omnes Sanctos & Electos

tuos:

Benedictio herbarum, in Assumpt. B. M. V. 265

tuos: ut defendant segetes nostras à vermibus ma-
lis, & ab avibus: ut magnificetur nomen tuum
Deus in omni loco. Per Dominum nostrum Je-
sum Christum Filium tuum, qui tecum vivit &
regnat in unitate Spiritûs sancti Deus. Per om-
nia sæcula sæculorum.

R. Amen.

*Deinde Sacerdos circumbeat agros vel partem eorum &
aspergat aquâ benedictâ, dicatque tandem:*

Et benedictio Dei omnipotentis Pa **✠** tris,
& Fi **✠** lii, & Spiritûs **✠** sancti descendat, &
maneat super has fruges.

R. Amen.

premittit benedict. cœlis frugum ex Ag. p.

BENEDICTIO HERBARUM IN FESTO ASSUMPTIONIS
B. MARIE VIRGINIS. *Ex Agenda p. 1.*

Sacerdos ante summum sacrum benedicit eas.

✠. Adjutorium nostrum in nomine Domini.

R. Qui fecit cœlum & terram.

✠. Domine exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

Domine sancte Pater omnipotens, qui ab
L I **initio**